

唐

音

統

籤

乙籤八

至十七
同卷

唐音統籤卷十三

岑文本字景仁鄧州人沉敏有姿儀博綜經史美
談論善屬文初爲蕭銑典篇翰太宗授祕書郎上
籍田三元二頌擢中書舍人晉拜中書令集六十
卷

宋志

今存詩四篇

奉和正日臨朝

時雍表昌運日正叶靈符德兼三代禮功包四海
圖踰沙紛在列執玉儼相趨清蹕喧輦道張樂駭
天衢拂蜺九旗映儀鳳八音殊佳氣浮仙掌薰風
繞帝梧天文光七政皇恩被九區方陪瘞玉禮珥

筆岱山隅

奉述飛白書勢

六文開玉篆八體曜銀書
飛毫列錦繡拂素起龍
魚鳳舉崩雲絕鸞驚遊霧
疎別有臨池草恩霑垂
露餘

冬日宴于庶子宅各賦一字得平字

金蘭薦惠好樽酒暢生平
既欣投轄賞暫緩皇鄉
情愛景含霜晦落照帶風
輕於茲歡宴洽寵辱詎
相驚

安德山池宴集

甲第多清賞芳辰命羽卮書帷通竹徑琴臺枕檜
籬池疑夜壑徙山似鬱洲移雕楹網羅薜激瀨合
瑣篋鳥戲翻新葉魚躍動清漪自得淹留趣寧勞
攀桂枝

乙籤九

杜正倫相州人隋時一家三秀才擢第爲當時稱
美太宗召直秦府文學館貞觀中累遷中書侍郎
兼太子左庶子叅典機密顯慶中拜中書令貶橫
州刺史集十卷

宋志

今存詩二篇

本傳云正倫嘗與中書舍人董

思恭夜直論文思恭歸謂人曰與杜公評文覺吾頓進

冬日宴于庶子宅得節字

李門余妄進徐榻君恒設清論暢玄言雅琴飛白雪寒雲曠落景朔風淒暮節方欣投轄情且駐當歸別

玄武門侍宴

大君端宸暇睿賞狎林泉開軒臨禁籞藉野列芳筵參差歌管颺容裔羽旗懸玉池流若醴雲閣聚非煙湛露晞堯日薰風入舜絃大德侔玄造微物荷陶甄謬陪瑤水宴仍廁栢梁篇闕名徒上月鄒辯詐談天既喜光華且還傷遲暮年猶冀升中日

簪裾奉蕭然

乙籤十

顏師古字籀雍州萬年人齊黃門侍郎之推孫隋
安養尉入唐歷中書舍人典詔令貞觀初拜中書

侍郎坐譴終祕書監弘文館學士集六十卷

宋志

今存詩一篇

師古博覽精誦訓學嘗考定五經訛
謬撰定五禮注班固漢書急就草匡

並盛傳于世

奉和正日臨朝

七政璿衡始三元寶曆新負宸延百辟垂旒御九
賓肅肅皆鷓鷯濟濟盛簪紳天涯致重譯日域獻

奇珍

乙籤十一

令狐德棻華原人博涉文史早知名高祖入關引
直記室貞觀中歷禮部侍郎遷國子祭酒兼崇賢
館學士修撰無不參預集三十卷

宋志亡

今詩一篇

冬日宴于庶子宅得趣字

高門聊命賞羣英於此遇放曠山水情留連文酒
趣夕煙起林蘭霜枝頽庭樹落景雖已傾歸軒幸
能馭

乙籤十二

劉洎

有作相
字者誤

字思道江陵人初授都督長史貞觀

中累遷侍中被譖賜死集十卷

宋志

今詩一篇

安德山池宴集

平陽擅歌舞金谷盛招携何如兼往烈會賞叶幽
栖已均朝野致還欣物我齊春晚花方茂蘭深逕
漸迷蒲新節尚短荷小蓋漚低無勞拂長袖直待
夜烏啼

乙籤十三

馬周字賓王在平人孤貧好學尤精詩傳初入關
客常何家代爲疏草太宗問而得之召授監察御

史數言事未嘗不嘉納累遷中書令卒集十卷

宋志

古今詩一篇

凌朝浮江旅思

唐詩紀事作周詩有作韋承慶詩者疑誤

太清上初日春水送孤舟山遠疑無樹潮平似不流
岸花開且落江鳥沒還浮羈望傷千里長歌遣

四愁

句

何惜鄧林樹不借一枝棲

出冊府元龜與李義甫句相似

乙籤十四

于志寧高陵人隋末有名於時入唐累授天策府

從事中郎散騎常侍兼詹事輔導東宮高宗朝拜
尚書左僕射同中書門下三品集四十卷宋志今
存詩一篇

冬日宴羣公於宅得杯字

本傳志寧雅愛
賓客接引志倦

陋巷朱軒擁衡門緹綺來俱裁七步詠同傾三雅
杯色動迎春柳花發犯寒梅賓筵未半醉驪歌不
用催

乙籤十五

沈叔安

失其
氏里

武德中官刑部尚書後爲潭州都督

圖形凌煙閣集二十卷

宋志

今存詩一篇

七夕賦詠成篇

皎皎霄月麗秋光耿耿天津橫復長停梭且復留
殘緯拂鏡及早更新粧彩鳳齊駕初成輦獨鵲填
河已作梁雖喜得同今夜枕還愁重空明日牀

乙籤十六

杜之松博陵曲陽人隋朝起居舍人貞觀中爲河

中刺史集十卷

宋志

今詩一篇

之松

存河中守慕王無功貽書云康

歲道重不許太守稱官老萊家居差與諸候爲友

和衛尉于卿柳

漢將本屯營遠河有成城大夫曾取姓先生曾得

名高枝拂遠鴈疎影度遙星不辭攀折苦爲入管
絃聲

乙籤十七

楊續師道之兄有辭學貞觀中爲鄆州刺史集十

卷

宋志

今詩一篇

安德山池宴集

狹斜通鳳闕上路抵青樓簪紱啓賓館軒蓋臨御
溝西城多妙舞玉第出名謳列峯疑宿霧疏壑擬
藏舟花蝶辭風影蘋藻含春流酒闌高宴畢自反
山之幽

乙籤十八

至二十
一同卷

唐音統籤卷十四

孔紹安越州山陰人陳尚書奐之子少誦古文集
數十萬言與詞人孫萬壽篤忘年好時人稱爲孫
孔隋末仕爲監察御史入唐拜內史舍人恩禮甚
厚嘗詔撰梁史未成而卒集五十卷

舊唐書本傳
云五卷新唐

書藝文志云五
十卷宋志亡

今存詩七篇

結客少年場行

結客佩吳鉤橫行度隴頭
鴈在弓前落雲從陣後
浮吳師驚燧象燕將警
奔牛轉蓬飛不息永河結
未若使三邊定當封萬戶侯

唐音統籤

卷十四

三七

乙

傷顧學士

迢遞雙嶠道超忽三川湄此中俱失路思君不可
思遊人行變橘逝者遽焚芝憶昔江湖上同詠子
衿詩何言陵谷徙翻驚隣笛悲隙根非席卉蕪帳
異書帷與善成空說殲良信在茲今日歲夫子哀
命不哀時

別徐永元秀才

金湯既失險玉石乃同焚墜葉還相覆落羽更爲
羣豈謂三秋節重傷千里分促離絃易轉幽咽水
難聞欲識相思處山川間白雲

侍宴詠石榴

本傳云大業末高祖討賊河東紹安以監察御史爲監軍深見

接遇及受禪開行來奔拜內史舍人時夏侯端亦嘗監高祖軍先紹安歸朝授祕書監紹安因侍宴詠石榴云云時人稱之

春
可惜庭中樹移根逐漢臣只爲來時晚花開不及

詠天桃

中
結葉還臨影飛香欲徧空不意餘花落翻沈露井

落葉

早秋驚落葉飄零似客心翻飛未肯下猶言惜故

林

句

疇昔同幽谷伊爾遷喬木赫奕盛青紫討論窮簡

牘

贈蔡君

乙籤十九

袁朗長安人陳尚書僕射樞之子勤學好屬文嘗
繫千字詩當時以爲盛作仕陳累官太子洗馬德
教殿學士爲江總所重隋朝爲儀曹郎入唐授齊
王文學轉給事中貞觀初卒有集十四卷

宋志
亡今

存詩四篇

人世多飄忽，溝水易西東。今日歡娛盡，何年風月
同。悲生萬里外，恨起一杯中。性靈如未失，南北有
征鴻。

賦得胥臺露

胥臺既落構，荊棘稍侵扉。棟折連雲影，梁摧照日
暉。翔鶴遂不反，巢燕反無歸。唯有團階露，承睫共
沾衣。

臥病喜霽開扉望月簡宮內知友

秋雨移弦望，疲痾倦苦辛。忽對荆山壁，委照越吟
人。高高侵地鏡，皎皎徹天津。色麗班姬篋，光潤洛

川神輪輝池上動桂影隙中新懷賢雖不見忽似
暫參辰

和樂記室憶江水

遙想觀濤處猶意採蓮歌無因關塞葉共下洞庭
波

乙籤二十一

劉季孫荊州人弱冠知名與虞世南蔡君和孔德
紹庾抱庾自直劉斌等結文會武德初歷虞州錄
事叅軍太宗以補文學館學士之缺累遷太子洗
馬集三十卷

又撰古今詩苑四
十卷宋志並亡

今存詩七篇

遊清都觀尋沈道士得仙字

紛吾因暇豫行樂極留連尋真謁紫府披霧覩青天
緬懷金闕外遐想玉京前飛軒俯松栢抗殿接雲烟
滔滔清夏景嘒嘒早秋蟬橫琴對危石酌醴臨寒泉
耶祛塵俗累寧希龜鶴年無勞生羽翼自可狎神仙

早發成臯望河

清晨發巖邑車馬走轅轅劍瞰黃河上愴悅屢飛魂
鴻流導積石驚浪下龍門仙槎不辨處沈璧想猶存
遠近州渚出颯沓鳧鴈喧懷古空延佇歎逝

將何言

遊靈山寺

吾王遊勝地，駘駕歷祇園。
臨風畫角憤，耀日采旗翻。
永懷筌了義，寂念啓玄門。
深谿窮地脉，高嶂接雲根。
信美諾心賞，幽邃一作桂且攀援。
曳裾欣扈從，方悟屏塵誼。

冬日宴于庶子宅得鮮字

解襟遊勝地，披雲促宴筵。
清文振筆妙，高論寫言泉。
凍柳含風落，寒梅照日鮮。
驪歌雖欲奏，歸駕且留連。

賦得游人久不歸

鄉關渺天末引領悵懷歸
羈旅久淫滯物色屢芳菲
稍覺私意盡行看蓬鬢衰
如何千里外佇立露裳衣

詠笛

涼秋夜笛鳴流風韻

一作詠

九成調高時慷慨曲變

或淒清征客懷離緒
隣人思舊情幸以知音顧
千載有奇聲

賦得春鶯送友人

流鶯拂繡羽二月上林期
待雪消金禁銜花向玉

月二
弄
舞翅掩飛燕舞啼惱婕妤悲料取金閨意因君問

所思

乙籤二十二

至二十八同卷

唐音統籤卷十五

陳子良吳人初仕隋楊越公記室入唐官右衛率府長史與蕭德言庾抱同爲隱太子學士貞觀六年卒集十卷

宋志

今存詩十三篇

上之回

承平重遊樂詔蹕上之回屬車響流水清笳轉落梅嶺雲蓋道轉巖花映綬開下輦便高宴何如在
瑤臺

新成安樂宮

春色照蘭宮秦女坐牕中柳葉來眉上桃花落臉

紅拂塵開扇匣卷帳却薰籠衫薄偏憎日裙輕更畏風

夏晚尋于政世置酒賦韻

聊從嘉遯所酌醴共抽簪以茲山水地留連風月心長榆落照盡高柳暮蟬吟一返桃源路別後難追尋

入蜀秋夜宿江渚

我行逢日暮弭棹獨維舟水霧一邊起風林兩岸秋山陰黑斷磧月影素寒流故鄉千里外何以慰羈愁

賦得妓

見詩紀

金谷多歡宴佳麗正芳菲流霞席上滿迴雪掌中
飛明月臨歌扇行雲接舞衣何必桃將李別有待

一作
代春暉

賦得妓

見詩紀

微雨散芳菲中園照落暉紅樹搖

一作
遊

歌扇綠珠

飄舞衣繁絃調對酒雜引動思歸愁人當此夕羞
見落花飛

遊俠篇

英華作俠客行
詩彙入陳子良

洛陽麗春色遊俠騁輕肥水逐車輪轉塵隨馬足

飛雲影遙臨葢花氣近薰衣東郊鬪雞罷南皮射
雉歸日暮河橋上揚鞭惜晚暉

春晚看羣公朝還人爲八韻

遊子惜春暮策杖出蒿萊正直康莊晚羣公謁帝
迴履度南宮至車從北闕來到影傍明月笳聲動
落梅迎風采眊轉照日綬花開紅塵掩鶴葢翠柳
拂龍媒綺雲臨舞閣丹霞薄吹臺輕肥寧所羨未
若反山隈

讚德上越國公楊素

君侯稱上宰命世挺才英本超騏驎足復蘊風雲

情攄藻挾錦綺育德潤瑤瓊已踵四知舉非無三
傑名濟世同舟檝匡政本阿衡雍容入青瑣肅穆
侍丹楹桂宮擅鳴珮槐路獨飛纓高門羅虎戟綺
閣麗彫甍金罇酌湛湛歌扇掩盈盈匈奴軼燕薊
烽火照幽并天子命薄伐受脤事專征七德播雄
略十萬騁行兵鴈行蔽虜甸魚貫出長城交河方
飲馬瀚海盛揚旌拔劍倚天外蒙犀輝日精彎弧
穿伏石揮戈斬大鯨鼓鞞朝作氣刁斗夜偏鳴六
郡多壯士三邊豈足平嶺雲朝合陣山月夜臨營
胡塵暗馬色芳樹動笳聲關雲未盡散塞霧常自

生川長蔓草綠峯迥雜花明
小人愧王氏雕文慙
馬卿濫此叨書記何以謝
過榮高山徒仰止終是
恨才輕

於塞北春日思歸

我家吳會青山遠他鄉關塞白雲深
爲許羈愁長下淚那堪春色更傷心
驚鳥屢飛恒失侶落花一去不歸林
如何此日嗟遲暮悲來還作白頭吟

送別

落葉聚還散征禽去不歸
以我窮途泣沾君出塞
衣

七夕看新婦隔巷停車

以下二首初學記作陳子良玉臺新詠作

陳伯材或其字也

隔巷遙停幃非復爲來遲只言更尚淺未是渡河時

詠春雪

光映妝樓月花承歌扇風欲妬梅將柳故落早春中

乙籤二十三

蕭德言字文行雍州人貞觀中爲弘文館學士拜祕書少監致仕集三十卷

宋志

今存詩一篇

本傳德言

博涉經史晚年尤篤志于學自晝達夜畧無休倦
每欲開五經必束帶盥濯危坐對之至九十七終

詠舞

低身鏘玉珮舉袖拂羅衣對簷疑燕起映雪似花
飛

乙籤二十四

蔡允恭荊州江陵人美容工詩初仕隋歷起居
舍人煬帝有所賦必令諷誦入唐官至太子洗馬
集二十卷宋志今存詩一篇

奉和出穎至淮應令

久倦川塗曲忽此望淮圻波長泛森森眺迥情依

依稍覺金烏轉漸見錦帆稀
欲知仁化洽謳歌滿路歸

乙籤二十五

謝偃衛州人本姓直勒氏仕隋爲散從正員外貞觀初應詔對策登第太宗引爲弘文館學士拜魏王府功曹時李百藥工五言偃善作賦時人稱爲李詩謝賦後出爲湘潭令集十卷

宋志

今詩四篇

踏歌詞三首

春景嬌春臺新露泣新梅春葉參差吐
新花重疊開花影飛鶯去歌聲度鳥來
倩看飄飄雪何如舞

袖廻

透迤度香閣顧步出蘭閨欲繞鴛鴦殿先過桃李
蹊風帶舒還卷簷花舉復低欲問今宵樂但聽歌
聲齊

夜久星沈沒更深月影斜裙輕纒動珮鬢薄不勝
花細風吹寶袜輕露濕紅紗相看樂未已蘭燈照
九華

樂府新歌應教

青樓綺閣已含春凝粧艷粉復如神細細輕裙全
滿影離離薄扇詎障塵樽中酒色恒宜滿曲裏歌

聲不厭新紫燕欲飛先遶棟黃鶯始哢卽嬌人撩
亂垂絲昏柳陌參差濃葉暗桑津上客莫畏斜光
晚自有西園明月輪

乙籤二十六

鄭世翼滎陽人弱冠有盛名武德中歷萬年丞揚
州錄事參軍性輕鷺貞觀中坐怨謗流雋州卒集

八卷

宋志

今存詩五篇

嚴滄浪云三五
七言詩自翼始

過嚴君平古井

諸詩初學記王臺後集
多作鄭翼避太宗諱也

嚴平本高尚遠蹈古人風賣卜成都市流名大漢
中舊井改人世寒泉久不通年多旣罷汲

一作無

禽乃遂空如何屬秋氣唯見落雙桐

登北邙還京洛

步登北邙坂踟躕聊寫望宛洛盛皇居規模窈大
壯三河分設險兩嶠資巨防飛觀紫烟中層臺碧
雲上青槐夾馳道迢迢脩且曠左右多第宅參差
居將相清晨謁帝返車馬相追訪胥徒各異流文
物紛殊狀囂塵暗天起簫管從風颺伊余孤一作忠
且直生平獨淪喪山幽有桂叢何爲坐惆悵

巫山高

巫山凌太清岩峩類削成霏霏暮雨合靄靄朝雲

生危峯入鳥道深谷寫猿聲別有幽棲客淹留攀
桂情

看新婚

初筭夢桃李新粧應標梅疑逐朝雲去翻隨暮雨
來雜珮含風響叢花隔扇開姮娥對此夕何用久
徘徊

見佳負錢出路

獨負千金價應從買笑來祇持難發口經爲幾人
開

乙籤二十七

崔信明青州益都人博聞彊記下筆成章大業中
令堯城竇建德招之不屈去隱太行山貞觀中應
詔舉終秦川令詩一篇

信明名載文苑傳志不著集目

送金竟陵入蜀

金門去蜀道玉壘望長安豈言千里遠方尋九折
難西上君飛蓋東歸我挂冠猿聲出峽斷月彩落
江寒從今與君別花月幾新殘

句

楓落吳江冷

新唐書云信明寒傲自代嘗謂遊字百樂議者不許鄭世翼亦傲信數能

輕忤物遇信問江中謂之曰聞公有楓落吳江冷願見其餘信題賦然多出世衆篇世翼覽未終口助

見不逮所聞投
諸水引舟去

乙籤二十八

凌微竇建德國子祭酒也初秦王軍武牢敬說建
德自太行上黨進乘唐之虛以取山北建德不從
以及于敗後入唐集十四卷

宋志
亡

今詩四篇

巫山高

巫岫鬱峇堯高高入紫霄白雲抱危石玄猿挂迴
條懸崖激巨浪脆葉隕驚飈別有陽臺處風雨共
飄飄

遊隋故都

洛城聊顧步長想遂留連水關宮初毀風變鼎將
遷皇陶德不建汾隅祀忽焉宗祊曠無象聲調緬
誰傳枌榆何冷落禾黍鬱阡綿詩歌詩帝詩頌詩大詩志
憫周篇來蘇佇聖德濡足乃奕乾正始溘風詩人
勞用息肩舞象文思澤偃伯武功宣則百昌厥後
於萬永斯年茲辰素商節灰管變星纏平原悴秋
草喬木歛寒烟翻黃墜疎葉凝翠積高天參差海
曲鴈寂寞柳門蟬興悼今如此悲愁復在旃徬徨
不忍去杖策屢廻還

遊清都觀尋沈道士得都守

聊排靈瑣闥徐步入清都青谿冥寂士思玄徇道
樞十芒生藥笥七焰發丹爐縹袞桐君錄朱書王
母符宮樞散綠穗日槿落青拊矯翰雷門鶴飛來
葉縣鳧凌風自可御安事迫中區方追羽化侶從
此得玄珠

七夕賦詠成篇

風駕鳴鸞啓闔闔霓裳遙裔儼天津五明霜紈開
羽扇百和香車動畫輪婉孌夜分能幾許靚粧冶
服爲誰新片時歡娛自有極已復長望隔年人

乙籤二十九

至三十
同卷

唐音統籤卷十六

褚遂良亮之子博涉文史尤工書貞觀中歷黃門
侍郎參綜朝政諫奏多所採納後晉中書令受顧
命輔高宗以諫立武昭儀坐貶卒集二十卷

朱志

今存詩一篇

安德山池宴集

伏櫪丹霞外
遮園煥景舒
行雲泛層阜
蔽月下清渠
亭中奏趙瑟
席上舞燕裾
花落春鶯晚
風光夏葉初
良朋比蘭蕙
雕藻邁瓊琚
獨有狂歌客
來承歡宴餘

乙籤三十

來濟江都人篤志好學有文詞貞觀末太子司議
後相高宗出爲庭州刺史與突厥戰沒集三十卷
宋志今存詩一篇

出玉關

歛轡遵龍漢銜悽渡玉關今日流沙外垂涕念生
還

乙籤三十一

李義府瀛州人才思精密善屬文貞觀中對策擢
第除監察御史太子舍人高宗卽位拜中書侍郎

晉中書令以協贊立武后徵寵後長流雋州卒集
三十卷

宋志

今存詩八篇

和邊城秋氣早

金微凝素節玉律應清葭邊馬秋聲急征鴻曉陣
斜關樹凋涼葉塞草落寒花霧暗長川景雲昏大
漠沙谿深路難越川平望超忽極望斷煙飄遙落
驚蓬沒霜結龍城吹水照龜林月日色夏猶冷霜
華春未歇唐詩作高紫宸分明映玄闕

招諭有懷贈同行人

一作李又詩

遠遊冒艱阻深入勞存諭春去辭國門秋還在邊

戍軒車行未返節序催難駐陌上悲轉逢園中想
芳樹蜀山自紛糾岷水恒奔注臨汎多苦懷登攀
寡歡趣永夕飛淫雨崇朝蒸毒霧不求緩嶺桃寧
美邛鄉蒟白狼行欲靜聽馬何常驟

唐韻區遇切
刻集者未知

此音或改爲駐而不知
知前已押駐字誤矣

願接輶旃塵聯翩東北驚

宣正殿芝草

明王敦孝感寶殿秀靈芝色帶朝陽淨光涵雨露
滋且標宣德重更引國恩施聖曆今無限微臣樂
未移

詠鸚鵡

牽弋辭重海觸網去層巒戢翼雕籠際延思彩霞
端慕侶朝聲切離羣夜影寒能言殊可貴相助憶
長安

在雋州遙敘封禪

天齊標巨鎮日觀啓崇期名堯臨渤海隱嶰控河
沂一作滑眺迴分吳乘凌高屬漢祠建岳誠爲長升

功諒在茲帝猷符廣運玄範暢文思飛聲總地絡
騰一作裁化撫乾維瑞策開珍鳳禎圖薦寶龜創封

超昔夏修禪掩前姬東后方肆覲西都導六師肅

返一作駕移星苑揚罕馭風司沸鼓喧平陸凝蹕靜

通達汶陽馳月羽蒙陰警電麾

一作

巖花飄曙輦

峯葉蕩春旗石閣環藻衛金壇映黼黻
仙階溢祕和靈檢耀祥芝張樂分韶濩
觀禮縱華夷佳氣浮丹谷榮光泛綠坻
三始貽遐貺萬歲受重釐非質陶恩獎
趨迹奉軒墀觸網淪幽裔乘徼限明時
周南昔已歎邛西今復悲

堂堂詞二首

鏤月成

一作爲

歌扇裁雲作舞衣
白憐迴雪影好取

洛川歸

懶整鴛鴦被羞塞玳瑁牀
春風別有意密處也尋

香

詠鳥

宋命錄云義府初遇以李大亮劉崩之
薦太宗召令詠鳥云云帝曰與卿全樹

何止
一枝

日裏鴈朝影
琴中伴夜啼
上林如許一作多少
樹不借

一枝栖

卷終

乙籤三十二

唐音統籤卷十七

許敬宗字延族杭州新城人隋禮部侍郎善心子
舉秀才奏通事舍人事入唐爲秦王府學士累官
給事中檢校中書侍郎知機要高宗朝晉侍中中

書令右相集八十卷

宋志亡

今編詩一卷

本傳敬宗淹博善屬

文自貞觀來大撰述皆總知其事以阿至立僂構戕忠良列姦臣傳

奉和執契靜三邊應詔

玄塞隔陰戎朱光分昧谷地游窮北際雲崖盡西
陸星次絕軒臺風衢乖禹服寰區無所外天覆今
咸育竄苗猶有孽戮負自貽辜疎網妖覩漏盤數

怪禽通髯飛尚假息乳視暫稽誅乾靈振玉弩神
略運璇樞日羽廓遊氣天陣清華野昇暄光西夜
馳恩溢東瀉揮袂靜崑炎開關納流赭錦駟凌右
地華纓羈大夏清臺映羅葉玄泚控瑤池一作
鹿輸珍貺樹羽饗來儀輟飾觀化宇栖禦萃條支
薰風交闐闕就日泛濛漪充庭延飲至絢簡敷春
藻迎姜已創圖命力方論道昔託遊河乘再備商
山皓欣逢德化流思效登封草

奉和喜雪應制

曠州表奇貺

觀

一作

闕竹應遐迤何如御京洛流霞

下天津忽若瓊林曙俄同李徑春姑峯映仙質郢
路雜歌塵伏檻觀花瑞稱觴慶冬積飄河共瀉銀
委樹還重壁連山分掩翠綿霄遠韜碧千里徧浮
空五軻咸淪跡機前輝裂素池上伴凌波騰華承
玉宇凝照混金娥是日松筠性欣奉栢梁歌

奉和七夕宴玄圃應制

牛閨臨淺漢鸞馱涉秋河兩懷縈別緒一宿慶停
梭星模鈿裏騰月寫黛中蛾奈許今宵度長嬰離
恨多

七夕應制

發閨期今夕娥輪泛淺潢迎秋伴暮雨待暝合神
光薦寢低雲鬢呈態解霓裳喜中愁漏促別後怨
天長

奉和儀鸞殿早秋應制

睿想追嘉豫臨軒御早秋斜暉麗粉壁清吹肅朱
樓高殿凝陰滿雕牕艷曲流小臣參廣宴大造諒
難酬

奉和詠雨應制

舞商初赴節湘燕遠迎秋飄絲交殿網亂滴起池
漚激溜分龍闕斜飛灑鳳樓崇朝方浹寓宸盼俯

凝旒

奉和過慈恩寺應制

鳳闕隣金地龍旂拂寶臺
雲楣將葉並風牖送花
來月宮清晚桂虹梁綉
早梅梵境留宸矚
揆鬢麗
天才

冬日宴于庶子宅分賦得歸字

倦游嗟落拓短翮慕追飛
周醪忽同醉牙絃乃共
揮油雲澹寒色落景靄
霜霏累日方投分茲夕諒
無歸

送劉散員同賦得陳思王詩山樹鬱蒼蒼

喬木託危岫積翠繞連岡葉疎猶漏影花少未流
芳風來聞肅肅霧罷見蒼蒼此中餞行邁不異上
河梁

奉和春日望海

韓夷憊奉賚憑險亂天常乃神弘廟畧橫海剪吞
航雷野清玄菟騰笳振白狼連雲飛巨艦編石架
浮梁周游臨大壑降望極遐荒桃門通山林蓬渚
降霓裳驚濤含蜃闕駭浪掩晨光青丘絢春組丹
谷耀華桑長驅七萃卒成功百戰場俄且旋戎路
飲至肅巖廊

奉和入潼關

驥馭循黃道，星陳引翠旗。
濟潼紆萬乘，臨河耀六師。
前旌彌陸海，後騎發通伊。
勢踰迴地軸，威盛轉天機。
是節歲窮紀，關樹蕩涼颼。
仙露含靈掌，瑞晷照川湄。
冲襟賞臨睨，高詠入京畿。

奉和登陝州城樓應制

挹河徵綠宇，御溝映朱宮。
辰旂翻麗景，星蓋早作
曳雕虹。學頌齊柳嫩，妍笑發春葦。
錦鱗文碧浪，繡羽絢青空。
眷念三階靜，遐想二南風。

奉和行經破薛舉戰地應制

混元分大象長策控修鯨於斯建宸極由此創鴻

名一戎乾宇泰千祀德流

一作化

清垂衣凝庶績端

拱鑄羣生復整瑤池駕還臨官渡營周游尋曩跡
曠望動天情帷宮面丹浦帳殿矚宛城虜塲樓九
穗前歌被六英戰地甘泉涌陣處景雲生晉天沾
欽澤相携欣頌平

奉和聖製登三臺言志應制

中天表雲榭載極聳崑樓聖作規玄造軒阿復聿
修高門符令節形勝總神州企翼搏禽萃飛甍燕
雀遊綴星羅百拱綠漢轉三休旦雲生玉鳥初月

上銀鈎妙管含秦鳳仙姿麗斗牛形言防處逸粹
藻發嘉猷荷生無以謝盡瘁竟何酬

奉和宴中山應制

飛雲旋碧海解網宥青丘養賢

一作更

停入駿觀風

駐五牛張樂臨堯野揚麾歷舜州中山獻仙醅趙
媛發清謳塞門朱鴈入郊數紫麟遊一舉氛霓靜
千齡德化流

侍宴莎柵宮應制得情字

三星希曙景萬騎翊天行葆羽翻風隊騰吹掩山
楹暖日晨光淺飛烟旦彩輕塞寒桃變色冰斷箭

流聲漸奏長安道神臯動睿情

奉和過舊宅應制

飛雲臨紫極出震表青光自爾家寰海今茲返帝鄉
情深感代國樂甚譙譙方白水浮佳氣黃星聚太常
岐鳳鳴層閣艷雀賀雕梁桂山猶總翠蘅薄尚流芳
攀鱗有遺皓沐德抃稱觴

奉和元日應制

天正開初節日觀上重輪百靈滋景祚萬玉慶惟新
待旦敷玄造韜流御紫宸武帳臨光宅文衛象鈞陳
廣庭揚九奏大帛麗三辰發生同化育播物

體陶鈞霜空澄曉氣霞景瑩芳春德輝覃率土相
賀奉還淳

奉和初春登樓卽目應詔

旭旦臨重壁天眷極中京春暉發芳甸佳氣滿層
城去鳥隨看沒來雲逐望生歌裏非憺颺琴上凱
風清文波浮鏤檻摘景煥雕楹璇璣體寬政隆棟
象端衡創規雖有作凝拱遂無營沐恩空改質將
何謝夏成

奉和秋日卽目應制

玉露交珠網金風度綺錢昆明秋景淡岐岫落霞

然辭燕歸寒海來鴻出遠天葉動羅帷颺花映繡
衣鮮規空昇聞魄籠野散輕烟鵲度林光起鳧沒
水文圓無機絡秋緯如管奏寒蟬乃睠情何極宸
襟豫有旃

奉和秋暮言志應制

秋深桂初發寒臆菊餘菲波擁羣鳧至秋飄朔鴈
歸月莢生還落雲枝似復非凝宸闕栖竄觀文佇
少微聖敬韜前哲先天諒不違

安德山池宴集

戚里歡娛地園林囑望新山庭帶芳杜歌吹叶陽

春臺榭疑巫峽荷葉似洛濱風花縈少女虹梁聚
美人宴遊窮至樂談笑畢良辰獨歎高陽晚歸路
不知津

遊清都觀尋沈道士

得清
字

幽人踏箕頽方士訪蓬瀛豈若逢真氣齊契體無
名既詮衆妙理聊暢遠遊情縱心馳貝闕怡神想
玉京或命餘杭酒時聽洛濱笙風衢通閬苑星使
下層城蕙帳晨飈動芝房夕露清方叶棲遲趣於
此聽鐘聲

奉和聖製送來濟應詔

萬乘騰鑣警岐路百壺供帳餞離宮御溝分水聲
難絕廣宴當歌曲易終興言共傷千里道俯跡聊
示五情同良哉既深留帝念沃化方有贊天聰

七夕賦詠成篇

一年抱怨嗟長別七夕含態始言歸飄飄羅襪光
天步灼灼新妝鑒月輝情催巧笑開星靨不惜呈
露解雲衣所歎却隨更漏盡掩泣還弄昨宵機

擬江令於長安歸揚州九月賦

擬總心逐南雲遊一詩也

品彙誤以總詩為敬宗詩正之

本逐征鴻去還隨落葉來菊花應未滿請待詩人

開